

Z A P I S N I K

sa XIII redovne sjednice Vijeća Univerziteta u Sarajevu - Građevinski fakultet, održane dana 25.06.2026. godine, sa početkom u 11.00 sati, u sali 8 nastavne zgrade Fakulteta, ul. Patriotske lige br. 30.

PRISUTNI ČLANOVI:

Nastavnici i saradnici:

Prof.dr.Samir Dolarević, Prof.dr.Mustafa Hrasnica, Prof.dr.Azra Kurtović, Prof.dr.Admir Mulahusić, Prof.dr. Đenari Čerimagić, Prof.dr.Amra Serdarević Prof.dr.Emil Ilić-Georgijević, Prof.dr.Mirza Pozder, Prof.dr.Sanjin Albinović, Prof.dr. Jusuf Topoljak, Prof.dr.Anis Balić, Prof.dr.Suada Sulejmanović, Prof.dr.Goran Simonović, Prof.dr.Hata Milišić, Prof.dr.Ismar Imamović, Prof.dr.Žaneta Ljevo, Prof.dr.Emina Hajdo, Prof.dr.Haris Kalajdzisalihović, Doc.dr.Ammar Šarić, Doc.dr. Džanina Omićević, Doc.dr. Esad Vrce, Doc.dr.Alma Džubur, Doc.dr.Ajla Mulaomerović-Šeta, Doc.dr. Nerma Lazović, Doc.dr.Adis Hamzić, Doc.dr.Adi Muminović, Doc.dr.Dževad Krdžalić, Viši asistent Damir Hasanspahić (Mat.), Viši asistent Nedim Kulo (G), Viši asistent Muamer Đidelića (G), Viši asistent Dževad Imamović (H), Asistentica Amila Mujčinović (Geot. i geol.), Asistentica Selma Spahić (S), Asistentica Alma Tabaković Aganagić (G)

Predstavnik nenastavnog osoblja: Mersiha Kvočo

Studenti: Bakir Komarica, Željko Lozančić

Ostali prisutni: sekretar Sabina Bajrić, dipl.prav.

ODSUTNI ČLANOVI:

Nastavnici i saradnici:

Prof.dr.Esad Mešić, Prof.dr. Emina Hadžić, Prof.dr.Suvada Šuvalija, Prof.dr.Naida Ademović, Prof.dr.Nedim Tuno, Prof.dr.Adis Skejić, Doc.dr. Samir Suljević, Viši asistent Mladen Kapor (Geot.i geol.), Asistentica Amina Karavelić - Hadžimejlić (K),

Predstavnik nenastavnog osoblja: -----

Studenti: Emel Šarvala

Dekan predlaže sljedeći dopunjen

D N E V N I R E D:

- I
 - a) Usvajanje Zapisnika sa XI redovne sjednice Vijeća Univerziteta u Sarajevu – Građevinski fakultet, održane 12.05.2026. godine,
 - b) Usvajanje Zapisnika sa XII redovne sjednice Vijeća Univerziteta u Sarajevu – Građevinski fakultet, održane 03.06.2026. godine,

- II
 - a) Utvrđivanje Plana pokrivanja (realizacije) nastave I i II ciklusa u akademskoj 2026./2027. godini;
 - b) Utvrđivanje liste akademskog osoblja organizacionih jedinica Univerziteta u Sarajevu koji će se u svojstvu gostujućih profesora angažovati u naučnonastavnom procesu na Univerziteta u Sarajevu – Građevinski fakultet u akademskoj 2026./2027. godini;
 - c) Utvrđivanje liste stručnjaka iz prakse koji će se angažovati u naučnonastavnom procesu na Univerzitetu u Sarajevu – Građevinski fakultet u akademskoj 2026./2027. godini;
 - d) Pokretanje procedure za angažman prof.dr. Adnana Ibrahimbegovića, kao nastavnika sa druge inostrane visokoškolske ustanove, u svojstvu gostujućih profesora angažovati u naučnonastavnom procesu na Univerziteta u Sarajevu – Građevinski fakultet u akademskoj 2026./2027. godini

- III Usvajanje Dinamičkog plana potreba za raspisivanje konkursa za izbor u zvanje za 2026./2027. studijsku godinu;

- IV** Izvještaj Komisije za pripremanje prijedloga za izbor u akademsko saradničko zvanje asistent za naučnu oblast "Geotehnika i geološko inženjerstvo", jedan izvršilac sa punim radnim vremenom;
- V** Imenovanje komisija za pripremanje prijedloga za izbor u sljedeća naučno-nastavna i akademsko saradničko zvanje:
- redovni profesor za naučnu oblast "Geodezija i geoinformatika" – jedan (1) izvršilac sa punim radnim vremenom;
 - vanredni profesor za naučnu oblast „Hidrotehnika i okolišno inženjerstvo“ - jedan (1) izvršilac sa punim radnim vremenom;
 - docent za naučnu oblast "Geodezija i geoinformatika" – jedan (1) izvršilac sa punim radnim vremenom;
 - viši asistent za naučnu oblast „Konstrukcije“ - jedan (1) izvršilac sa punim radnim vremenom;
- VI** Utvrđivanje prijedloga za raspisivanje konkursa za izbor/napredovanje akademsko saradničko zvanje viši asistent za naučnu oblast "Geodezija i geoinformatika" - jedan (1) izvršilac sa punim radnim vremenom;
- VII** Izvještaji Komisija za ocjenu i odbranu završnih radova :
- Odsjek za geodeziju i geoinformatiku – studentica Edna Halkić
 - Odsjek za geodeziju i geoinformatiku – studentica Sajra Begović
 - Odsjek za konstrukcije – studentica Nejla Obranović
 - Odsjek za konstrukcije – studentica Dženana Šarić
 - Odsjek za konstrukcije – student Jozo Marčeta
 - Odsjek za hidrotehniku i okolišno inženjerstvo – studentica Elma Pilica
- VIII** Donošenje Odluke o utvrđivanju Plana godišnjeg odmora za 2026. godinu
- IX** Imenovanje glavnih i odgovornih urednika za publikacije u izdanju Univerziteta u Sarajevu – Građevinski fakultet
- X** Imenovanje Komisije za prijem studenata u prvu godinu trećeg (III) ciklusa studija - doktorski studij studijskog programa građevinarstvo i geodezija i geoinformatika u akademskoj 2026/2027. godini.
- XI** Izvještaj Komisije za ocjenu uslova kandidatkinje Jelene Medić, dipl.inž.građ. i podobnosti teme doktorske disertacije pod naslovom „Efikasna analiza granične nosivosti limenih nosača primjenom Makro i Mezo modela“ za samostalan rad.
- XII** Prijedlog teksta Inicijative za osnivanje privrednog društva u kojem Univerzitet u Sarajevu učestvuje kao osnivač,
- XIII** Izvještaj Komisije za provođenje ekvivalencije akademskih titula, odnosno naučnih i stručnih zvanja ranije stečenih na Građevinskom fakultetu Univerziteta u Sarajevu i na drugim univerzitetima u BiH, po zahtjevu Vedrana Furtule ;
- XIV** Razno

Ad/I

- a) Članovi Vijeća su pozvani da se izjasne o dopunjenom Zapisniku sa XI redovne sjednice Vijeća Univerziteta u Sarajevu – Građevinski fakultet, održane 12.05.2026. godine.
Na dopunjeni Zapisnik sa XI redovne sjednice Vijeća Univerziteta u Sarajevu – Građevinski fakultet, održane 12.05.2026. godine, nije bilo primjedbi.
- b) Članovi Vijeća su pozvani da se izjasne o Zapisniku sa XII redovne sjednice Vijeća Univerziteta u Sarajevu – Građevinski fakultet, održane 03.06.2026. godine.

Na Zapisnik sa XII redovne sjednice Vijeća Univerziteta u Sarajevu – Građevinski fakultet, održane 03.06.2026. godine, nije bilo primjedbi.

Ad/II

a) Odsjeci i katedre su dostavili Vijeću prijedlog Plana pokrivanja (realizacije) nastave nastave I i II ciklusa u akademskoj 2026./2027. godini.

Nakon razmatranja istih Vijeće je donijelo sljedeću:

O D L U K U

I

Utvrđuje se Plana realizacije nastave prvog (I) i drugog (II) ciklusa studijskog programa građevinarstva i studijskog programa geodezije i geoinformatike na Univerzitetu u Sarajevu – Građevinski fakultet za akademsku 2025./2026. godinu, koji je sastavni dio ove Odluke.

II

Za realizaciju ove Odluke zadužuju se rukovodioci odsjeka i katedri i prodekan za nastavno- naučni rad.

III

Odluku dostaviti Senatu Univerziteta u Sarajevu na dalji postupak.

b) Odsjeci i katedre su dostavili Vijeću prijedlog angažovanja akademskog osoblja drugih organizacionih jedinica Univerziteta u Sarajevu koji će se u svojstvu gostujućih profesora angažovati u naučnonastavnom procesu na Univerzitetu u Sarajevu – Građevinski fakultet u akademskoj 2026./2027. godini;

Nakon razmatranja istih Vijeće je donijelo sljedeće odluke:

O D L U K A

I

Utvrđuje se prijedlog za angažman akademskog osoblja sa drugih organizacionih jedinica u okviru Univerziteta u Sarajevu za realizaciju naučnonastavnog procesa na Univerzitetu u Sarajevu – Građevinski fakultet u akademskoj 2026./2027 godini, u svojstvu gostujućeg akademskog osoblja, kao predmetnog nastavnika sa maksimalnim opterećenjem propisanim Standardima i normativima, kako slijedi:

1.) Univerzitet u Sarajevu - Prirodno-matematički fakultet

- Prof.dr. Benjamin Fetić, nastavni predmet: "Fizika"
- Prof.dr. Fikret Čunjalo, nastavni predmet "Vjerovatnoća i statistika"
- Viši Ass. Abdulah Jašarević, nastavni predmet "Fizika" – vježbe

O D L U K U

o angažmanu nastavnika sa druge visokoškolske ustanove bez zasnivanja radnog odnosa

I

Utvrđuje se prijedlog za angažman akademskog osoblja sa druge visokoškolske ustanove, bez zasnivanja radnog odnosa kako slijedi:

- dr. Nadira Aljović, vanredna profesorica na Filozofskom fakultetu Univerziteta u Zenici, za realizaciju nastave na predmetu „Engleski jezik“, na prvom (I) ciklusu studijskog programa građevinarstvo i studijskog programa geodezije i geoinformatike u akademskoj 2026./2027. godine.

c) Odsjeci i katedre su dostavili Vijeću prijedlog angažovanja stručnjaka iz prakse u naučnonastavnom procesu na Univerzitetu u Sarajevu – Građevinski fakultet u akademskoj 2026./2027. godini, u cilju upoznavanja studenata sa određenim naučnim dostignućima, sa primjenom naučnih rezultata u praksi, praktičnim radom i drugim vidovima stručnog usavršavanja za izvođenje pojedinih specifičnih predavanja, vježbi, seminara i drugih oblika rada

Nakon razmatranja istih Vijeće je donijelo sljedeću:

ODLUKU

I

U cilju upoznavanja studenata sa određenim naučnim dostignućima, sa primjenom naučnih rezultata u praksi, praktičnim radom i drugim vidovima stručnog usavršavanja za izvođenje pojedinih specifičnih predavanja, vježbi, seminara i drugih oblika rada u naučnonastavnom procesu na Univerzitetu u Sarajevu – Građevinski fakulteta u akademskoj 2026./2027. godini, angažuju se stručnjaci iz prakse:

1. Jasna Ševaljović, istaknuti stručnjak iz prakse
“Ekonomija i građevinska regulative”, „Upravljanje projektom“
2. Dr. Fata Terzić, istaknuti stručnjak iz prakse
“Projektovanje cesta”
3. Eldin Donlagić, istaknuti stručnjak iz prakse
“Fizikalna geodezija”, “Državni premjer”, “Ekonomika, pravo i etika u geodeziji”,
4. Hrnjica Fikret, dipl.inž.arh., istaknuti stručnjak iz prakse
“Nacrtna geometrija”
5. Velid Varatanović, dipl.inž.arh., istaknuti stručnjak iz prakse
“Nacrtna geometrija”
6. Inširpašić Kenan, dipl.inž.građ., istaknuti stručnjak iz prakse
“Projektovanje mostova”
7. Bojić Mirnes, dipl.inž.građ., istaknuti stručnjak iz prakse
“Fotogrametrija”, “Daljinska istraživanja”, “Lasersko skeniranje”, “Kartografija i kartografske projekcije”
8. Redžepagić Ervin, dipl.inž.geod., istaknuti stručnjak iz prakse
“Teorija grešaka”, “Teorija izjednačenja”
9. Kereš Irfan, dipl.inž.geod., istaknuti stručnjak iz prakse
“Uvod u inžinjersku geodeziju”, “Geodezija”
10. Mahmutagić Dženana, istaknuti stručnjak iz prakse
“Geodetski planovi”, “Katastar nekretnina”
11. Adnan Čehajić, dipl. inž. građ, istaknuti stručnjak iz prakse
“Kolovozne konstrukcije”
12. Seat Yakup Kurtović, dipl.inž.geod., istaknuti stručnjak iz prakse
„Geoinformacioni sistemi I“, „Digitalno modeliranje terena“, „Precizno pozicioniranje i navigacija“
13. Haris Mahmutagić, dipl.inž.građ. istaknuti stručnjak iz prakse
“BIM u građevinarstvu”
14. Muhamed Madžarević, dipl.inž.građ. istaknuti stručnjak iz prakse
“Betonske konstrukcije I”, “Betonske konstrukcije II”, “Betonske konstrukcije III”
15. Doc. dr. Jasmin Taletović, dipl.inž.geod.,
“Geoprostorna analiza”
16. Šejla Hrnjić, dipl.inž.građ., istaknuti stručnjak iz prakse,
“Ceste”, “Željeznice”
17. Dr. Pavle Krstić, dipl.ing.arh. istaknuti stručnjak iz prakse,
“Prostorno uređenje i okoliš”
18. Amar Kadić, dipl.inž.građ., istaknuti stručnjak iz prakse,
“Prednapregnute konstrukcije”
19. Jasmin Čatić, dipl.inž.geod., istaknuti stručnjak iz prakse,
“Geodetski referentni sistemi”, “Referentni sistemi u prostoru i vremenu”, „Geodetske svemirske tehnike“
20. Nedžad Pašalić, dipl.inž.geod., istaknuti stručnjak iz prakse,
“Web-GIS”, “Prostorne baze i IPP”
21. Fadil Biberkić, dipl.inž.građ., istaknuti stručnjak iz prakse,
„Projektovanje građevina i konstrukcija“
22. Mithad Hadžialić, istaknuti stručnjak iz prakse,
„Primjena računara u građevinarstvu i geodeziji“

II

Angažovanje stručnjaka iz prakse iz tačke I ove Odluke ne može biti veće od 30% nastavnih sati za predmet utvrđen nastavnim planom nastavnog predmeta.

- d) Odsjeka za konstrukcije je u Planu pokrivanja nastave za 2026./2027. godinu, dostavio prijedlog za angažman Prof.dr. Adnan Ibrahimbegović, dipl.ing. građ.
- Imajući u vidu da je prof.dr. Adnan Ibrahimbegović, dipl.ing.građ. redovni profesor (professor Classe Exceptionnelle) na Univerzitetu Tehnologije u Compiègne-u (UTC - Université de Technologie Compiègne), koji je dio Alliance Sorbonne Université, predloženo je da se angažuje kao gostujući profesor sa druge visokoškolske ustanove.
- Nakon razmatranja istih Vijeće je donijelo sljedeću:

ODLUKU

o angažmanu nastavnika sa druge visokoškolske ustanove u svojstvu gostujućeg profesora

I

Utvrdjuje se prijedlog za angažman akademskog osoblja sa druge visokoškolske ustanove, prof.dr. Adnana Ibrahimbegovića, dipl.ing.građ., redovnog profesora (professor Classe Exceptionnelle) na Univerzitetu Tehnologije u Compiègne-u (UTC - Université de Technologie Compiègne), koji je dio Alliance Sorbonne Université, za realizaciju dijela nastave na u zimskom i ljetnom semestru na II i III ciklusu studijskih programa građevinarstva i geodezije i geoinformatike na Univerzitetu u Sarajevu – Građevinski fakultet u akademskoj 2026./2027 godini, u svojstvu gostujućeg profesora, kao predmetnog nastavnika sa maksimalnim opterećenjem propisanim Standardima i normativima, kako slijedi:

- a) na II ciklusu studijskog programa građevinarstvo: nastavni predmet „Teorija elastičnosti platičnosti“ i „Modeliranje konstrukcija“
- b) na III ciklusu – doktorski studij iz oblasti građevinarstva: nastavni predmeti: „Metoda konačnih elemenata“, „Geometrijska nelinearnost i nestabilnost“ i „Mehanika materijala“

II

Odluku dostaviti Senatu Univerziteta u Sarajevu u svrhu donošenja odgovarajućih odluka u skladu sa odredbama Zakona o visokom obrazovanju.

Ad/III

Vijeću je predstavljen prijedlog Dinamičkog plana potreba za raspisivanje konkursa za izbor u zvanje za 2026./2027.studijsku godinu.

Nakon razmatranja istih Vijeće je donijelo sljedeću:

ODLUKU

I

Donosi se Dinamički plan potreba za raspisivanje konkursa za izbor u zvanje na Univerzitetu u Sarajevu – Građevinski fakultet za 2026/2027. godinu.

II

U Dinamičkom planu potreba za raspisivanje konkursa za izbor u zvanja na Univerzitetu u Sarajevu – Građevinski fakultet za 2026./2027. godinu navedeni su:

- 1.) Tabela 1. - Konkursi za izbor u isto ili više akademsko/naučnoistraživačko zvanje – napredovanja;
- 2.) Tabela 2. - Konkursi za izbor u akademska/naučnoistraživačka zvanja prije isteka izbornog perioda;
- 3.) Tabela 3. - Konkursi za popunjavanje upražnjenih radnih mjesta;
- 4.) Tabela 4. – Angažman akademskog/ naučnoistraživačkog osoblja/ stručnjaka iz prakse/ stručnih saradnika u nastavi

III

Prilikom raspisivanja konkursa za izbor/napredovanje u akademska i naučnoistraživačka zvanja na Univerzitetu u Sarajevu – Građevinski fakultet, potrebno je pridržavati se Dinamički plan potreba za

raspisivanje konkursa za izbor u zvanje na Univerzitetu u Sarajevu – Građevinski fakultet za 2025/2026. godinu, koji je u prilogu ove Odluke.

Ad/IV

Komisija za pripremanje prijedloga za izbor u akademsko saradničko zvanje asistent za naučnu oblast «Geotehnika i geološko inženjerstvo» po Konkurs za izbor u akademsko saradničko zvanje asistent za naučnu oblast «Geotehnika i geološko inženjerstvo», objavljen dana 14.05.2026.godine, blagovremeno je podnijela pisani Izvještaj Vijeću, te navela da se za akademsko saradničko zvanje asistent za naučnu oblast «Geotehnika i geološko inženjerstvo», prijavila kandidatkinja Mr Ema Tutić, dipl.inž.građ.

Komisija je, nakon uvida u priloženu dokumentaciju u svom Izvještaju konstatovala da Mr Ema Tutić, dipl.inž.građ. ispunjava sve formalne i suštinske uvjete za izbor u akademsko saradničko zvanje asistentica za naučnu oblast «Geotehnika i geološko inženjerstvo», utvrđene odredbama Zakona o visokom obrazovanju.

Komisija je predložila Vijeću da usvoji Izvještaj Komisije za pripremanje prijedloga za izbor u akademsko saradničko zvanje asistent za naučnu oblast «Geotehnika i geološko inženjerstvo», zaveden pod brojem: 03-2-679-11/26 od 15.06.2026.godine i utvrdi prijedlog da se Mr Ema Tutić, dipl.inž.građ. izabere u akademsko saradničko zvanje asistentica za naučnu oblast «Geotehnika i geološko inženjerstvo» na Univerzitetu u Sarajevu – Građevinski fakultet.

Nakon upoznavanja sa Izvještajem Komisije za pripremanje prijedloga za izbor u akademsko saradničko zvanje asistent za naučnu oblast «Geotehnika i geološko inženjerstvo», zaveden pod brojem: 03-2-679-11/26 od 15.06.2026.godine i tajno provedenog glasanja, Vijeće je sa većinom glasova donijelo sljedeću

O D L U K U

I

Usvaja se Izvještaj Komisije za pripremanje prijedloga za izbor u akademsko saradničko zvanje asistent za naučnu oblast «Geotehnika i geološko inženjerstvo», zaveden pod brojem: 03-2-679-11/26 od 15.06.2026.godine.

II

Utvrdjuje se prijedlog za izbor **Mr Eme Tutić, dipl.inž.građ.** u akademsko saradničko zvanje asistentica za naučnu oblast «Geotehnika i geološko inženjerstvo» na Univerzitetu u Sarajevu – Građevinski fakultet.

III

Odluku dostaviti Senatu Univerziteta u Sarajevu na dalji postupak.

Ad/V

a) na prijedlog Odsjeka za geodeziju i geoinformatiku, Vijeće je donijelo sljedeću

O D L U K U

o imenovanju Komisije za pripremanje prijedloga za izbor u naučno-nastavno zvanje redovni profesor

I

U Komisije za pripremanje prijedloga za izbor u akademsko naučno-nastavno zvanje redovni profesor za naučnu oblast „Geodezija i geoinformatika“, jedan izvršilac sa punim radnim vremenom, po Konkursu objavljenom u dnevnim novinama “Dnevni avaz”, web stranici Univerziteta u Sarajevu – Građevinski fakultet i Univerziteta u Sarajevu, dana 04.06.2026.godine, imenovani su kao slijedi:

- 1.) Prof.dr. Admir Mulahusić, dipl.inž.geod., redovni profesor Univerziteta u Sarajevu – Građevinski fakultet (naučna oblast: „Geodezija i geoinformatika“), predsjednik Komisije
- 2.) Prof.dr. Goran Marinković, dipl.ing.geod., redovni profesor Fakulteta tehničkih nauka Univerziteta u Novom Sadu (naučna oblast „Geodezija“), član Komisije
- 3.) Prof.dr. Bojan Stopar, dipl.inž.geod. – redovni profesor Univerziteta u Ljubljani–Fakultet za građevinarstvo i geodeziju (naučna oblast „Geodezija i geoinformatika“), član Komisije.

II

Utvrđuje se adekvatnost naučnih oblasti članova Komisije iz stava I ove Odluke, prof.dr. Goran Marinković, dipl.inž.geod. i prof.dr. Bojan Stopar, dipl.inž.geod. sa naučnom oblasti „Geodezija i geoinformatika“ za koju se vrši izbor u zvanje, imajući u vidu da se radi o profesorima sa drugih visokoškolskih ustanova.

III

Komisija je obavezna da Izvještaj sa prijedlogom za izbor kandidata dostavi Vijeću Univerziteta u Sarajevu – Građevinski fakultet, u skladu sa odredbama Zakona o visokom obrazovanju i odredbama Statuta Univerziteta u Sarajevu, tekstom raspisanog Konkursa, ovom Odlukom i Potvrdom o prijavljenim kandidatima, najduže u roku od 30 dana od dana imenovanja.

b) Na prijedlog Odsjeka za hidrotehniku i okolišno inženjerstvo, Vijeće je donijelo sljedeću

O D L U K U

o imenovanju Komisije za pripremanje prijedloga za izbor u naučno-nastavno zvanje vanredna profesorica

I

U Komisije za pripremanje prijedloga za izbor u akademsko naučno-nastavno zvanje vanredna profesorica za naučnu oblast „Hidrotehnika i okolišno inženjerstvo“, jedan izvršilac sa punim radnim vremenom, po Konkursu objavljenom u dnevnim novinama „Dnevni avaz“, web stranici Univerziteta u Sarajevu – Građevinski fakultet i Univerziteta u Sarajevu, dana 04.06.2026.godine, imenovani su kao slijedi:

- 1.) Prof.dr. Amra Serdarević, dipl.inž.građ., redovna profesorica Univerziteta u Sarajevu – Građevinski fakultet (naučna oblast: „Hidrotehnika i okolišno inženjerstvo“), predsjednica Komisije
- 2.) Prof.dr. Emina Hadžić, dipl.inž.građ. – redovna profesorica Univerziteta u Sarajevu – Građevinski fakultet (naučna oblast: „Hidrotehnika i okolišno inženjerstvo“), član Komisije
- 3.) Prof.dr.Suvada Šuvalija, dipl.inž.građ. – redovna profesorica Univerziteta u Sarajevu – Građevinski fakultet (naučna oblast: „Hidrotehnika i okolišno inženjerstvo“), član Komisije

II

Komisija je obavezna da Izvještaj sa prijedlogom za izbor kandidata dostavi Vijeću Univerziteta u Sarajevu – Građevinski fakultet, u skladu sa odredbama Zakona o visokom obrazovanju i odredbama Statuta Univerziteta u Sarajevu, tekstom raspisanog Konkursa, ovom Odlukom i Potvrdom o prijavljenim kandidatima, najduže u roku od 30 dana od dana imenovanja.

c) Na prijedlog Odsjeka za konstrukcije, Vijeće je donijelo sljedeću

O D L U K U

o imenovanju Komisije za pripremanje prijedloga za izbor u akademsko saradničko zvanje viši asistent

I

U Komisije za pripremanje prijedloga za izbor u akademsko saradničko zvanje viši asistent za naučnu oblast „Konstrukcije“, jedan izvršilac sa punim radnim vremenom, po Konkursu objavljenom u dnevnim novinama „Dnevni avaz“, web stranici Univerziteta u Sarajevu – Građevinski fakultet i Univerziteta u Sarajevu, dana 04.06.2026.godine, imenovani su kao slijedi:

- 1.) Prof.dr. Senad Medić, dipl.inž.građ., vanredni profesor Univerziteta u Sarajevu – Građevinski fakultet (naučna oblast: „Konstrukcije“), predsjednik Komisije
- 2.) Prof.dr. Goran Simonović, dipl.inž.građ. – redovni profesor Univerziteta u Sarajevu – Građevinski fakultet (naučna oblast: „Konstrukcije“), član Komisije
- 3.) Prof.dr.Ismar Imamović, dipl.inž.građ. – vanredni profesor Univerziteta u Sarajevu – Građevinski fakultet (naučna oblast: „Konstrukcije“), član Komisije

II

Komisija je obavezna da Izvještaj sa prijedlogom za izbor kandidata dostavi Vijeću Univerziteta u Sarajevu – Građevinski fakultet, u skladu sa odredbama Zakona o visokom obrazovanju i odredbama Statuta Univerziteta u Sarajevu, tekstom raspisanog Konkursa, ovom Odlukom i Potvrdom o prijavljenim kandidatima, najduže u roku od 30 dana od dana imenovanja.

d Na prijedlog Odsjeka za geodeziju i geoinformatiku, Vijeće je donijelo

ODLUKU

o imenovanju Komisije za pripremanje prijedloga za izbor u naučno-nastavno zvanje docent

I

U Komisije za pripremanje prijedloga za izbor u akademsko naučno-nastavno zvanje docent za naučnu oblast „Geodezija i geoinformatika“, jedan izvršilac sa punim radnim vremenom, po Konkursu objavljenom u dnevnim novinama “Dnevni avaz”, web stranici Univerziteta u Sarajevu – Građevinski fakultet i Univerziteta u Sarajevu, dana 04.06.2026.godine, imenovani su kao slijedi:

- 1.) Prof.dr. Jusuf Topoljak, dipl.inž.geod., redovni profesor Univerziteta u Sarajevu – Građevinski fakultet (naučna oblast: „Geodezija i geoinformatika“), predsjednik Komisije
- 2.) Prof.dr. Goran Marinković, dipl.ing.geod., redovni profesor Fakulteta tehničkih nauka Univerziteta u Novom Sadu (naučna oblast „Geodezija“), član Komisije
- 3.) Prof.dr. Tomaž Ambrožič, dipl.inž.geod. – redovni profesor Univerziteta u Ljubljani–Fakultet za građevinarstvo i geodeziju (naučna oblast „Geodezija i geoinformatika“), član Komisije.

II

Utvrđuje se adekvatnost naučnih oblasti članova Komisije iz stava I ove Odluke, prof.dr. Gorana Marinkovića, dipl.inž.geod. i prof.dr. Tomaža Ambrožiča, dipl.inž.geod. sa naučnom oblasti „Geodezija i geoinformatika“ za koju se vrši izbor u zvanje, imajući u vidu da se radi o profesorima sa drugih visokoškolskih ustanova.

III

Komisija je obavezna da Izvještaj sa prijedlogom za izbor kandidata dostavi Vijeću Univerziteta u Sarajevu – Građevinski fakultet, u skladu sa odredbama Zakona o visokom obrazovanju i odredbama Statuta Univerziteta u Sarajevu, tekstom raspisanog Konkursa, ovom Odlukom i Potvrdom o prijavljenim kandidatima, najduže u roku od 30 dana od dana imenovanja.

Ad/VI

Odsjek za geodeziju i geoinformatiku je utvrdio nastavnu potrebu za pokretanje procedure izbora u isto akademsko saradničko zvanje viši asistent za naučnu oblast "Geodezija i geoinformatika"—jedan izvršilac sa punim radnim vremenom, te su predložio da Vijeće utvrdi prijedlog i pokrene proceduru za raspisivanje konkursa za izbor u akademsko saradničko zvanje viši asistent za naučnu oblast "Geodezija i geoinformatika“.

Vijeće je donijelo sljedeću

ODLUKU

o utvrđivanju prijedloga za raspisivanje konkursa

I

Utvrđuje se prijedlog za raspisivanje konkursa za izbor u isto akademsko saradničko zvanje:

- viši asistent za naučnu oblast "Geodezija i geoinformatika" – jedan izvršilac sa punim radnim vremenom;

II

Utvrđivanje potrebe za raspisivanje konkursa za izbor u isto akademsko saradničko zvanje iz tačke I ove Odluke predložio je Odsjek za geodeziju i geoinformatiku Univerziteta u Sarajevu – Građevinski fakultet.

III

U Dinamičkom planu potreba za raspisivanje konkursa na Univerzitetu u Sarajevu-Građevinski fakultet za izbor u zvanja za 2025./2026 studijsku godinu br.: 02-1-1309-1/25 od 02.07.2025.godine, i Izmjenama i

dopunama Dinamičkog plana potreba za raspisivanje konkursa na Univerzitetu u Sarajevu-Građevinski fakultet za izbor u zvanja za 2025./2026. studijsku godinu br. 02-1-406-1/26 od 10.03.2026.godine, u Tabeli 1.KONKURSI ZA IZBOR U ISTO ILI VIŠE AKADEMSKO/ NAUČNOISTRAŽIVAČKO ZVANJE – NAPREDOVANJA - redni brojevi pod kojima se nalazi pozicija koja se predviđa konkursom za izbor u isto akademsko saradničko zvanje, koje je predmet razmatranja grupacije/Senata je: SEDAM (7).

IV

Uvjeti za izbor:

Pored općih zakonskih uvjeta, potrebno je da kandidat ispunjava uvjete utvrđene članom 112 stav (2) tačka b) Zakona o visokom obrazovanju ("Službene novine Kantona Sarajevo", broj: 36/22, 28/25).

Uz svojeručno potpisanu prijavu na konkurs za izbor u isto akademskog osoblja – saradnika u zvanje višeg asistenta, kandidati koji se prijavljuju prilažu dokaze da ispunjavaju minimalne uvjete za izbor kako slijedi:

- završen drugi ciklus studija ili njegov ekvivalent s najmanje 300 ECTS, 8 ili 3,5 ili VII stepen studija po predbolonjskom sistemu studija s najnižom prosječnom ocjenom 8, proveden izborni period u zvanju asistenta;

Pored općih zakonskih i minimalnih uvjeta za izbor u akademsko saradničko zvanje viši asistent utvrđenih članom 112 stav (2) tačka b) Zakona o visokom obrazovanju ("Službene novine Kantona Sarajevo", broj: 36/22, 28/25), kandidati trebaju da ispunjavaju i sljedeće uvjete:

- diplomirani inženjer geodezije i geoinformatike, odnosno magistar geodezije i geoinformatike, sa 300 ECTS bodova.

V

Odluku dostaviti na saglasnost Senatu Univerziteta u Sarajevu.

Ad/VII

Vijeće je donijelo sljedeće odluke:

a)

O D L U K U

I

Usvaja se Izvještaj Komisije za ocjenu i odbranu završnog rada studentice II (drugog) ciklusa studijskog programa Građevinarstvo, smjer Konstrukcije, **Dženane Šarić**, pod naslovom „*Eksperimentalno i numeričko ispitivanje armiranobetonskih panela izloženih cijepanju*“, zaveden pod brojem: 06-2-1198-1/26 od 23.06.2026. godine.

II

Prihvata se završni rad studentice Dženane Šarić, pod naslovom „Eksperimentalno i numeričko ispitivanje armiranobetonskih panela izloženih cijepanju“, (Izvještaj Komisije zaveden pod brojem: 06-2-1198-1/26 od 23.06.2026. godine) i odobrava odbrana završnog rada.

b)

O D L U K U

I

Usvaja se Izvještaj Komisije za ocjenu i odbranu završnog rada studentice II (drugog) ciklusa studijskog programa Geodezija i geoinformatika, **Edne Halkić**, pod naslovom „*Određivanje otklona vertikalne u Bosni i Hercegovini primjenom DTM-a i GGM-a*“, zaveden pod brojem: 06-2-1194-1/26 od 23.06.2026. godine.

II

Prihvata se završni rad studentice Edne Halkić, pod naslovom „Određivanje otklona vertikalne u Bosni i Hercegovini primjenom DTM-a i GGM-a“, (Izvještaj Komisije zaveden pod brojem: 06-2-1194-1/26 od 23.06.2026. godine) i odobrava odbrana završnog rada.

c)

O D L U K U

I

Usvaja se Izvještaj Komisije za ocjenu i odbranu završnog rada studentice II (drugog) ciklusa studijskog programa Građevinarstvo, smjer Hidrotehnika i okolinsko inženjerstvo, **Elme Pilica**, pod naslovom „*Primjena građevinskih materijala u izgradnji/sanaciji deponija komunalnog otpada*“, zaveden pod brojem: 06-2-1263-1/26 od 23.06.2026. godine.

II

Prihvata se završni rad studentice Elme Pilica, pod naslovom „Primjena građevinskih materijala u izgradnji/sanaciji deponija komunalnog otpada“, (Izveštaj Komisije zaveden pod brojem: 06-2-1263-1/26 od 23.06.2026. godine) i odobrava odbrana završnog rada.

d)

ODLUKU

I

Usvaja se Izveštaj Komisije za ocjenu i odbranu završnog rada studenta II (drugog) ciklusa studijskog programa Građevinarstvo, smjer Konstrukcije, **Joze Marčete**, pod naslovom „*Projekat armiranobetonske stambene zgrade u Jajcu*“, zaveden pod brojem: 06-2-1197-1/26 od 23.06.2026. godine.

II

Prihvata se završni rad studenta Joze Marčete, pod naslovom „Projekat armiranobetonske stambene zgrade u Jajcu“, (Izveštaj Komisije zaveden pod brojem: 06-2-1197-1/26 od 23.06.2026. godine) i odobrava odbrana završnog rada.

e)

ODLUKU

I

Usvaja se Izveštaj Komisije za ocjenu i odbranu završnog rada studentice II (drugog) ciklusa studijskog programa Građevinarstvo, smjer Konstrukcije, **Nejle Ohranović**, pod naslovom „*Uticaoj prečnika i količine uzdužne armature na pojavu i razvoj prslina u armiranobetonskim gredama*“, zaveden pod brojem: 06-2-1196-1/26 od 23.06.2026. godine.

II

Prihvata se završni rad studentice Nejle Ohranović, pod naslovom „Uticaoj prečnika i količine uzdužne armature na pojavu i razvoj prslina u armiranobetonskim gredama“, (Izveštaj Komisije zaveden pod brojem: 06-2-1196-1/26 od 23.06.2026. godine) i odobrava odbrana završnog rada.

f)

ODLUKU

I

Usvaja se Izveštaj Komisije za ocjenu i odbranu završnog rada studentice II (drugog) ciklusa studijskog programa Geodezija i geoinformatika, **Sajre Begović**, pod naslovom „*Multikriterijalna analiza za planiranje lokacija zelenih površina urbanog područja u Kantonu Sarajevo*“, zaveden pod brojem: 06-2-1195-1/26 od 23.06.2026. godine.

II

Prihvata se završni rad studentice Sajre Begović, pod naslovom „Multikriterijalna analiza za planiranje lokacija zelenih površina urbanog područja u Kantonu Sarajevo“, zaveden pod brojem: 06-2-1195-1/26 od 23.06.2026. godine.

Ad/VIII

Vijeće je upoznato sa članom 61. stav (2) Pravilnika o radu Univerziteta u Sarajevu kojim je propisano da radnici koriste godišnji odmor za vrijeme ljetne pauze, u skladu sa Akademskim kalendarom Univerziteta u Sarajevu i planom korištenja godišnjeg odmora. Prema Akademskom kalendaru Univerziteta u Sarajevu od 20.07.2026.godine do 21.08.2026. godine nisu planirane nastavne aktivnosti, te je u skladu s tim sačinjen Plan korištenja godišnjeg odmora za radnike Univerziteta u Sarajevu – Građevinski fakultet za kalendarsku 2026. godinu.

Plan korištenja godišnjih odmora utvrđen je uz uvažavanje potreba procesa rada i organizacije nastavnog, naučnoistraživačkog i administrativnog procesa, kao i opravdanih razloga i interesa zaposlenika, sve s ciljem osiguranja nesmetanog funkcionisanja Fakulteta i ostvarivanja zakonom zagarantovanog prava zaposlenika na godišnji odmor.

U skladu sa naprijed navedenim Vijeće je donijelo sljedeću

O D L U K U

Član 1.

Utvrđuje se Plan korištenja godišnjih odmora za zaposlenike Univerziteta u Sarajevu – Građevinski fakultet za kalendarsku 2026. godinu:

- prvi dio godišnjeg odmora za 2026. godinu zaposlenici Univerziteta u Sarajevu – Građevinski fakultet mogu koristiti za vrijeme ljetne pauze, u periodu od 20.07.2026.godine do 21.08.2026.godine;
- minimalno trajanje prvog dijela godišnjeg odmora je petnaest (15) radnih dana, a maksimalno dvadeset pet (25) radnih dana;
- drugi dio godišnjeg može se koristiti do kraja juna 2027. godine, s tim da termini za korištenje godišnjih odmora moraju biti usaglašeni sa aktuelnim akademskim kalendarom;

Član 2.

Dekan Univerziteta u Sarajevu – Građevinski fakultet će svakom zaposleniku odobriti korištenje godišnjeg odmora pojedinačnim rješenjem u skladu sa Planom korištenja godišnjih odmora za 2026.godinu i potrebama procesa rada.

Termin korištenja godišnjeg odmora po ličnom zahtjevu zaposlenika može biti izmjenjen uz saglasnost neposrednog rukovodioca, o čemu dekan donosi posebno rješenje.

Član 3.

Plan korištenja godišnjih odmora za zaposlenike Univerziteta u Sarajevu – Građevinski fakultet za kalendarsku 2026. godinu koji se sastoji od planova odsjeka, katedri i službi čini sastavni dio Odluke.

Ad/IX

Pravilnikom o izdavačkoj djelatnosti Univerziteta u Sarajevu – Građevinski fakultet, utvđena je i mogućnost izdavanja knjige u elektronskom obliku. U svrhu dobijanja DOI broja (Digital Object Identifier) za publikacije u elektronskom obliku, neophodno je imenovati glavnog i odgovornog urednika za publikacije iz određene naučne oblasti. DOI broj (Digital Object Identifier) je jedinstveni alfanumerički niz koji se dodeljuje pojedinačnim digitalnim publikacijama. DOI broj omogućava stabilnu vezu do internet stranice na kojoj se publikacija nalazi, čime se olakšava pristup i citiranje tih dokumenata.

Imajući u vidu navedeno, Vijeće je donijelo sljedeću

O D L U K U

Član 1.

- Za glavnog i odgovornog urednika publikacija iz oblasti građevinarstva u izdanju Univerziteta u Sarajevu – Građevinski fakultet imenuje se **prof.dr. Amra Serdarević, dipl.inž.građ.**
- Za glavnog i odgovornog urednika publikacija iz oblasti geodezije i geoinformatike u izdanju Univerziteta u Sarajevu – Građevinski fakultet imenuje se **prof.dr. Nedim Tuno, dipl.inž.geod.**

Zadaci i odgovornosti glavnih i odgovornih urednika publikacija refulisani su pozitivnim zakonskim propisima iz oblasti izdavačke djelatnosti.

Ad/X

Na osnovu odredbi Pravila studiranja za treći ciklus studija na Univerzitetu u Sarajevu – doktorski studij – Vijeće je donijelo sljedeću

O D L U K U

o imenovanju Komisije za upis na III ciklus studija – doktorski studij na Univerzitetu u Sarajevu – Građevinski fakultet u studijskoj akademskoj 2026./2027. godini

I

Imenuje se Komisija za upis na III ciklus studija – doktorski studij iz oblasti “Građevinarstva” i “Geodezije i geoinformatike” na Univerzitetu u Sarajevu–Građevinski fakultet u studijskoj akademskoj 2026./2027. godini u sastavu:

- 1.) Prof.dr, Mustafa Hrasnica, dipl.ing.građ., predsjednik
- 2.) Prof.dr. Mirza Pozder, dipl.ing.građ., član
- 3.) Doc.dr. Ammar Šarić, dipl.ing.građ., član

II

Zadatak Komisije je da pregleda sve blagovremeno prispjele, potpune i uredne prijave za upis na III ciklus studija – doktorski studij iz oblasti “Građevinarstva” i “Geodezije i geoinformatike” na Univerzitetu u Sarajevu – Građevinski fakultet u akademskoj 2026./2027. godini, te da sačini Preliminarnu listu prijavljenih i primljenih kandidata.

III

Preliminarna lista svih primljenih i prijavljenih kandidata će se objaviti na internet stranici Univerziteta u Sarajevu i Univerziteta u Sarajevu – Građevinski fakultet.

Na Preliminarnu listu kandidati imaju pravo prigovora Vijeću Univerziteta u Sarajevu – Građevinski fakultet u roku od pet radnih dana od dana objave liste.

Odluka po prigovoru iz prethodnog stava ovog člana se donosi u roku od sedam dana od isteka roka za izjavljivanje prigovora i objavljuje na internet stranici Univerziteta u Sarajevu – Građevinski fakultet.

IV

Komisija za upis sačinjava konačni izvještaj o rezultatima upisa studenata sa prijedlogom konačne liste prijavljenih i primljenih kandidata i dostavlja Vijeću Univerziteta u Sarajevu – Građevinski fakultet na usvajanje.

Konačna lista upisanih studenata se objavljuje na internet stranici Univerziteta u Sarajevu i Univerziteta u Sarajevu – Građevinski fakultet, najkasnije dva dana nakon isteka roka za donošenje odluke po izjavljenom prigovoru i dostavlja se Senatu Univerziteta na saglasnost.

Ad/XI

Članovima Vijeća je dostavljen na razmatranje Izvještaj Komisije za ocjenu uslova kandidata i podobnosti teme doktorske disertacije pod radnim naslovom: „Efikasna analiza granične nosivosti limenih nosača primjenom Makro i Mezo modela“, kandidatkinje Jelene Medić, dipl.inž.građ., u kojem je istaknuto da kandidatkinja Jelena Medić, dipl.inž.građ. ispunjava sve opšte uslove za sticanje naučnog stepena doktora nauka, da je predložena tema doktorske disertacije pod nazivom „Efikasna analiza granične nosivosti limenih nosača primjenom Makro i Mezo modela“, podobna za samostalno naučno istraživanje, te predloženo da se predloži odobravanje rada na projektu doktorske disertacije.

U skladu sa naprijed navedenim Vijeće je donijelo sljedeću

O D L U K U

I

Usvaja se Izvještaj Komisije za ocjenu uslova kandidata i podobnosti teme doktorske disertacije pod radnim naslovom: „Efikasna analiza granične nosivosti limenih nosača primjenom Makro i Mezo modela“, kandidatkinje Jelene Medić, dipl.inž.građ., zaveden pod brojem 06-3-826-12/24 od 22.06. 2026. godine.

II

Utvrđuje se da kandidatkinja Jelena Medić, dipl.inž.građ. ispunjava sve opšte uslove za sticanje naučnog stepena doktora nauka i da je predložena tema doktorske disertacije pod nazivom „Efikasna analiza granične nosivosti limenih nosača primjenom Makro i Mezo modela“, podobna za samostalno naučno istraživanje.

III

Odluka Vijeća Univerziteta u Sarajevu – Građevinski fakultet će biti dostavljena Senatu Univerziteta u Sarajevu radi daljnjeg postupanja.

Ad/XII

Pravilnikom o osnivanju privrednih društava Univerziteta u Sarajevu utvrđeni su uslovi i procedura za osnivanje privrednih društava u kojem Univerzitet u Sarajevu učestvuje kao osnivač.

U istom je navedeno da inicijativu za osnivanje privrednih društava može pokrenuti i članica Univerziteta u Sarajevu.

Dekan je dostvio Vijeću Prijedlog za pokretanje inicijative za osnivanje privrednog društva, sa obrazloženim tekstom inicijative: osnovne podatke o planiranom društvu, razloge osnivanja društva, prijedlog djelatnosti društva, prijedlog osnivačkog kapitala društva, uključujući izvor i okvirni iznos kapitala, podatke o eventualnim resursima, infrastrukturi ili drugim oblicima imovine Univerziteta ili članice koji bi se koristili za potrebe društva, druge relevantne informacije od značaja za razmatranje inicijative.

Vijeće je razmotrilo dostavljeni Prijedlog za pokretanje inicijative za osnivanje privrednog društva, te jednoglasno donijelo sljedeću

ODLUKU

I

Pokreće se inicijativa za osnivanje privrednog društva u kojem Univerzitet u Sarajevu učestvuje kao osnivač, sa prijedlogom osnovne djelatnosti: **71.12 Inženjerske djelatnosti i s njima povezano tehničko savjetovanje.**

Inicijativa za osnivanje privrednog društva sadrži osnovne podatke predviđeni odredbama Pravilnika o osnivanju privrednih društava Univerziteta u Sarajevu br. 02-9-6-1/26 od 20.05.2026. godine.

(Inicijativa za osnivanje privrednog društva u prilogu ove Odluke).

II

Ovu Odluku sa Inicijativom za osnivanje privrednog društva dostaviti Senatu Univerziteta u Sarajevu na dalji postupak.

Ad/XIII

Nna zahtjev Vedrana Furtule, a na prijedlog Komisije za provođenje postupka ekvivalencije akademskih titula, odnosno naučnih i stručnih zvanja ranije stečenih na Građevinskom fakultetu Univerziteta u Sarajevu i univerzitetima u Bosni i Hercegovini, Vijeće je donijelo sljedeću

Stručni naziv „Diplomirani inženjer građevinarstva“ odgovara akademskoj tituli i stručnom zvanju:

„Magistar građevinarstva - diplomirani inženjer građevinarstva, smjer Hidrotehnika i okolišno inženjerstvo“

koje se stiče završetkom II ciklusa studija studijskog programa građevinarstva na Univerzitetu u Sarajevu – Građevinski fakultet.

II

U skladu sa tačkom I ove Odluke podnosiocu zahtjeva Vedranu Furtulu će biti izdato uvjerenje o ekvivalenciji ranije stečene akademske titule, odnosno naučnog i stručnog zvanja na Građevinskom fakultetu Univerziteta u Sarajevu.

Ad/XIV

Po ovoj tački Dnevnog reda nije bilo prijedloga, primjedbi i pitanja.

Sjednica Vijeća završena u 14.50 sati.

Zapisnik vodila
Sabina Bajrić, dipl.prav.

Sabina Bajrić

02-9-1/2026-3/26

03-07-2026

DEKAN
Prof.dr. Samir Džafarević, dipl.inž.građ.

